

漢魏六朝百三家集

齊

第六十一冊

張長史
孔詹事

EAST ASIAN LIBRARY
RM 8049 ROBARTS LIBRARY
UNIVERSITY OF TORONTO
TORONTO, CANADA M5S 1A5

U.61-64

長
長
史
集

司
題

張長史集

PL
2494
H38
1879
V.6-64

張長史集題詞

吳郡張氏之盛前有敷演鏡暢後有
充融卷稷融字思光孔德璋所謂外
兄張長史也張氏世理音辭修儀範
思光獨詭越驚人似一狂士然孝親
敬嫂感德重義人倫之際何疊疊也

自序文章云不阡不陌非途非路後
有狀者不如其善自狀也海賦文辭
詭激欲前無木華雖體致未諧藩籬
已判傳詩絕少落落如之白雲清風
孤臺明月想見其人通源定本直謂
百聖同投本末無異周子長辨倒兵

乃已彼生平談論總無師法白日發
歌鴻飛起悟孤神獨逸窺其意好似
慕北海與之同名然謂天下有兩融
又掉頭不受也獠賊厲刃高詠洛生
浮海大風乾魚寄傲天子賜衣尚書
趨拜曾何足慕具此天性固思光文

字所由出乎

婁東張溥題

南齊張長史集目錄

賦

海賦

箋

與豫章王嶷箋

書

與從叔永書

與王僧虔書

與從弟瓌書

答周顒書

與周顒論釋法寵書

論

門論

序

問律自序

誠

臨卒戒子

詩

白日歌

蕭史曲

憂且吟

別詩

附錄

本傳

李詩

謝詩

傅詩

王詩

謝詩

目錄終

齊張長史集卷全

齊 張融思光 著

明 張溥西銘 閱

賦

海賦

蓋言之用也情矣形乎使天形寅內敷情敷外
寅者言之業也吾遠職荒官將海得地行關入
浪宿渚經波傳懷樹觀長滿朝夕東西無里南
非如天反覆懸鳥表裏菟色壯哉水之奇也奇

哉水之壯也。故古人以之頌其所見。吾問翰而
賦之焉。當其濟興絕感。豈覺人在我外。木生之
作君自君矣。分渾始地。判氣初天。作成萬物。爲
山爲川。總川振會。導海飛門。爾其海之狀也。之
相也。則窮區沒渚。萬里藏岸。控會河濟。朝總江
漢。回混浩潰。巔倒發濤。浮天振遠。灌日飛高。樅
江_麤撞則八紘摧隤。鼓怒則九紐折裂。增_於長風
以舉波。瀾_{音郭}天地而爲勢。瀧_{音盪}澤_干及_{音洽}潛_{音合}
來往相爭。_合汨_{音子}深_{音突}澍_{音於}渤_{音紆}宰_{音紆}石成窟。西

衝虞淵之曲、東振湯谷之阿、若木於是乎倒覆、

折扶桑而為渣、在牙濩灋音藥、門音門渾、涓於官、和於和、

雍於勃、湑非音卒、淪音淪、溥音尊、瀾、淺、壟、嵒、子湍、轉、則

日月似驚、浪動而星河如覆、既烈太山與崑崙、

相壓而共潰、又盛雷車震漢、破天以折轂、於港

漣、於瀨、於嬾、輾轉縱橫、揚珠起玉、流鏡飛明、是

其回堆曲浦、幽關弱渚之形勢也、沙嶼相接、洲

島相連、東西蕩潏、如滿于天、梁禽楚獸、胡木漢

草之所生焉、長風動路、深雲暗道之所經焉、茗

茗蔕蔕，宵宵翳翳，晨烏宿音秀於東隅，落河浪其

西界，茫沆于剛汴河，汨于突硯于磊漫官無桓旁踞委岳

橫竦危巒，重彰岌岌，攢嶺聚立，崱呂兀礪音窟崱呂今

嶽欽架石相陰，陰嶺徒罪陲陲，橫出旁入，嵬嵬支罪

磊磊，若相追而下，及峯勢縱橫，岫形參錯，或如

前而未進，乍非遷而已却，天抗暉於東曲，日倒

麗於西阿，嶺集雪以懷鏡，巖昭春而自華，江澤

許洎洎許百潞子曷巖拍芬百嶺，鰲山礪石，汙渢于各漢

寒音朗況于猷於磊決於朗隈河音阿流柴礪五反感岷五窟頓

浪低皮、蓉

降音

皎

交音

砒

江音

折

嶺

挫

峯

窄

浪

礪

郎音

培

朋山相礪

合音

萬里

藹藹

極

路

天外

電

戰

雷

奔

倒

地相礪

獸門

象逸

魚路

鯨奔

水遽

龍魄

陸振

虎

寬却瞻

無後

向望

行前

長尋

高眺

唯水

與天

若

乃山橫

蹴浪

風倒

摧波

磊若

驚山

竭嶺

以竦

石

鬱若飛

煙奔

雲以

振霞

連瑤

光而

交綵

接玉

繩

以通華

爾乎

夜滿

深霧

晝密

長雲

高河

滅景

萬

里無文

山門

幽暖

岫戶

葢葢

九天

相掩

王地

交

氛汪汪

橫橫

皇音

沆

沆

于剛

浩浩

害音

淬

麤潰

潰

大人

之

表決

朗於

蕩君子之外風沫相排日閉雲開浪散

波合岳起山隤若乃漉沙構白熬波出素積雪

中春飛霜暑路爾其奇名出錄詭物無書高岸

乳鳥橫門產魚則何懼

羅音

鱖

容音

鮓

詣音

鰱

非音

魴

人音

鰈

果音

鰓

滑音

哄日吐霞吞河漱月氣開地震聲動

天發噴灑噦

月於

噦

戒於

流雨而揚雲喬臚壯奔架

岳而飛墳

挺音

動崩五山之勢矐

簡矣

矐

矣

煥七

曜之文嶰嶰瑁蚌綺貝繡螺立朱互綵綠紫相

華遊風秋瀨泳景登春伏鱗漬綵昇魴洗文若

乃春代秋緒，歲去冬歸。柔風麗景，晴雲積暉。起
龍塗於靈步，翔螭道之神飛。浮微雲之如膏，落
輕雨之依依。觸巧塗而砥去遠，抵樂木以激揚。
浪相礪傍而起千狀，波獨湧乎驚萬容。蘋藻留
映，荷芰提陰。扶容曼綵，秀遠華深。明藕移玉，清
蓮代金。眇芬芳於遙渚，汎灼爍於長潯。浮艫雜
軸，遊船交艘。帷軒帳席，方遠連高。入驚波而箭
絕，振排天之雄飊。越湯谷以逐景，渡虞淵以追
月。徧萬里而無時，浹天地於揮忽。雕隼飛而未

半、鯢龍趨

貪教

而不逮、舟人未及復其喘、已周流

宇宙之外矣、陰鳥陽禽、春毛秋羽、遠翅風遊、高

翮雲舉、翔歸棲去、連陰日路、瀾漲波渚、陶立浴

素、長絃四斷、平表九絕、雉翥成霞、鴻飛起雪、合

聲鳴侶、竝翰翻羣、飛關溢繡、流浦照文、爾夫人

微、亮氣小白如淋、涼空澄遠、增漢無陰、照天容

於、鯢渚、鏡河色於、魴、潯、括、蓋、餘、以、進、廣、浸、夏、洲

以洞深、形每驚而義維靜、跡有事而道無心、於

是乎、山海藏陰、雲塵入岫、天英徧華、日色盈秀

則若士神中。琴高道外。袖輕羽以衣風。逸玄裾
於雲帶。筵秋月於源潮。帳春霞於秀瀨。曬蓬萊
之靈岫。望方壺之妙闕。樹過日以飛柯。嶺回峯
以蹴月。空居無俗。素館何塵。谷門風道。林路雲
真。若乃幽崖阨於陬倉。隈隩之窮。駿波虎浪之
氣。激勢之所不攻。有卉有木。爲灌爲叢。路糝網
雜。結葉相籠。通雲交拂。連韻共風。蕩洲礫去崖。
而千里若崩。衝崖沃島。其萬國如戰。振駿氣以
擺雷。飛雄光以倒電。若夫增雲不氣。流風歛聲。

瀾文復動。波色還驚。明月何遠。沙裏分星。至其
積珍全遠。架寶諭深。瓊池玉壑。珠岫珙岑。合日
開夜。舒月解陰。珊瑚開績。瑠璃竦華。丹文鏡色。
雜照冰霞。洪洪潰潰。浴于日月。淹漢星墟。滲河
天界。風何本而自生。雲無從而空滅。籠麗色以
拂烟。鏡懸暉以照雪。爾乃方貞去我。混然落情。
氣暄而濁。化靜自清。心無終故。不滯志不敗而
無成。旣覆舟而載舟。固以死而以生。弘芻狗於
人獸。導至本以充形。雖萬物之日用。諒何緯其

何經道湛天初機茂形外亡有所以而有非膠
有於生末亡無所以而無信無心以入太不動
動是使山岳相崩不聲聲故能天地交泰行藏
虛於用舍應感亮於圓會仁者見之謂之仁達
者見之謂之達喏者幾於上善吾信哉其爲大
矣

箋

與豫章王嶷箋

朱謙之。吳郡錢塘人。父昭之。假葬田側。爲族人幼方所焚。謙之雖小。便哀戚如執喪事。長不婚娶。永明中。手刃殺幼方。詣獄。自繫。時嶷爲郡刺史。別駕孔稚珪兼記室。劉璡司徒左西掾。張融。牋上嶷。疑言之。世祖嘉其義。乃遣謙之隨曹虎西行。將發。幼方子暉於津陽門伺殺謙之。謙之之兄選之。又刺殺暉。世祖曰。此皆義事。不可問。悉赦之。

禮開報仇之典。以申孝義之情。法斷相殺之一。以表權時之制。謙之揮刃軒冕。旣申私禮。繫以

就死又明公法。今仍殺之。則成當世罪人。宥而治之。卽爲盛朝孝子。殺一罪人。未足弘憲活一孝子。實廣風德。張緒陸澄。是其鄉舊。應具來繇。融等與謙之。竝不相識。區區短見。深有恨然。

書

與從叔永書

融昔稱幼學、早訓家風、雖則不敏、率以成性。布
衣葦席、弱年所安。簞食瓢飲、不覺不樂。但世業
清○貧○民○生○多○待○榛○栗○棗○修○女○贊○既○長○束○帛○禽○鳥○
男○禮○已○脩○勉○身○就○官○十○年○七○仕○不○欲○代○耕○何○至○
此○事○昔○者○三○吳○一○丞○雖○屢○舛○錯○今○聞○南○康○缺○守○
願○得○爲○之○融○不○知○階○級○階○級○亦○可○不○知○融○政○以○
求○丞○不○得○所○以○求○郡○求○郡○不○得○亦○可○復○求○丞○

與王僧虔書

融天地之逸民也。進不辨貴，退不知賤。兀然造化，忽如草木。實以家貧累積，孤寡傷心。八姪俱孤。二弟頗弱。撫之而感。古人以悲。豈能山海陋祿。申融情累。阮籍愛東平土風。融亦欣晉平閑外。

與從弟瓌書

昇明元年，劉彥節有異圖。弟遐爲吳郡潛相，影響齊高帝密令瓌取遐。諸張世有豪氣，瓌率兵入郡，斬之。高帝即受襄陽郡太守，出與襄陽書。

吳郡何晚何須王反聞之嗟驚乃是阿兄

答周顒書

并答所問

張融白。吾未能忘身。故有情身分外。既化極魂。首復爲子弟留地。不欲使方寸舊都。日夜荒沒。平生所困橫殫。而草所以製是門律。以律其門。非佛與道。門將何律。故告氣緩。命憑魄申。陰數感十應通。源定本實。欲足下發予奇意。果能翔牘起情。妙見正析。既赴所志。今爲子言。

周之問曰。論云致本則同。請問何義。是其所謂

本乎答彼周曰。夫性靈之爲性。能知者也。道德之爲道。可知者也。能知而不知所可知。非能知之義可知而不爲能知所知。非夫可知矣。故知能知必赴於道。可知必知所赴。而下士雷情波照。鼓欲噪神。精明驅動。識用沈藹。所以倒心下灌。昭隔於道。至若伯陽專氣致柔。停虛任魄。載營抱壹。居凝通靜。靜唯通也。則照無所沒。魄緒停虛。故融然自道。足下欲使伯陽不靜甯可而得乎。使靜而不怕。道亦于何而可得。今旣靜而

兩神。神靜而道二。吾未之前聞也。故逗極所以一爲性遊簡。且韻猖狂。曠不能復。行次戰思。定霸宇內。但敷生靈以竦志。庶足下罔象以捫珠。是以則帝屬五而神常一。皇有三而道無二。鳧乙之交定者鴻乎。吾所以直其繩矣。

周之問曰。言道家者。豈不以二篇爲主。言佛教者。亦應以般若爲宗。二篇所贊義極虛無般若所觀照窮法性。虛無法性其寂雖同。住寂之方其旨則別。答彼周曰。法性雖以卽色圖空。虛無

誠乃有外張義然環會其所中足下當加以半思也。至夫遊無蕩思。心塵自拂。思以無蕩。一舉形上。是雖忘有。老如騫釋。然而有忘。釋不伐老。當其神地悠悠。精和坐廢。寂然以湛其神。遂通以冲其用。登其此地。吾不見釋家之與老氏。陟其此意。吾孰識老氏之與釋家。逗極之所以無二親情。故妙得其一矣。直以物感既分。應物難合。令萬象與視聽交錯。視聽與萬象相橫。著之既已深。却之必方淺。所以苦下之翁。且藏卽色。

順其所有。不震其情。尊其所無。漸情其順。及物
有潛去。人時欲無。既可西風晝舉而致。南精夕
夢。漢魂中寐。不其可乎。若卿謂老氏不盡乎無
則非期於得意。若卿謂盡無而不盡。有得意。復
爽吾所期。卿若疑老氏盡有。而不亮以教。則釋
家有盡。何以峻迹。斯時卿若以釋家時宜迹峻
其猶老氏。時峻此迹。逗極之同。茲焉余意。

周之問曰。論云。時殊故不同。其風是佛教之異
於道也。世異故不一。其義是道言之乖於佛也。

道佛兩殊，非鳧則乙。答彼周曰：非鳧則乙，迹固然矣。迹固其然，吾不復答。但得其世異時殊，不宜異其所以之異。

周之問曰：未知高鑒。緣何識本？答彼周曰：綜識施本，已吐前牘。吾與老釋相識，正如此。正復是日，擊道斯存。卿欲必曲鞠其辭，吾不知更所以自訟。

周之問曰：若猶取二教以位其本，恐戰獄方興，未能聽訟也。答彼周曰：得意有本，何至取教。

周之問曰。若雖因二教同測教源者。則此教之源。每沿教而見矣。答彼周曰。誠哉有是言。吾所以見道。未壹於佛。但吾之卽此言。別有奇。卽耳。周之問曰。自應鹿巾環杖。悠然自擊。儒墨間閭。從來何譟。答彼周曰。虞芮二國之鬪田。非文王所知也。碎白玉以泯鬪。其別有尊者乎。況夜戰一鴻。妄巾鳧。斯自鹿巾之空負頭上。環杖之自誣掌中。吾安得了之哉。

周之問曰。苟合源共是。分迹雙非。則二跡之用。

宜均去取。奚爲翔集所向。勤務唯佛。專氣抱一。無謹於道乎。答彼周曰。應感多端。神情數廣。吾不翔翮於四果。卿尚無疑其集佛。吾不翔翮於五通。而於集道。復何晦。且寶聖宜本。迹匪情急。矧吾已有所集。方復移其翔者邪。卿得其無二於兩楹。故不峻督其去取。

周之問曰。吾則心持釋訓。業愛儒言。未知足下雅意。佛儒安在。爲當本一末殊。爲本末俱異邪。答彼周曰。吾乃自元混百聖。同投一極。而近論

通源儒不在議足下今極其儒當欲列儒圍道
故無屬垣耳隙思潛師夜以遂圖掩天城恐難
升之險非子所躋則吾見師之出不見其入也
吾已謂百聖同所投何容本末俱其異更以瀝
勢倒兵恣卿智勇吾之勇智自縱橫湊出。

周顒重答張長史書

并重問

周顒頓首夫可以運寄情抱非理何師中外
聲訓登塗所奉而使此中介分然去留無薄
是則怏怏失路在我奚難足下善欲言之吾

亦言之未已也輒復往研遲承來析

通源曰法性雖以卽色圖空虛無誠乃有外
張義所以苦下之翁且藏卽色順其所有不
震其情尊其所無漸情其順周之問曰苦下
之藏卽色信矣斯言也更恐有不及於卽色
容自託以能藏則能藏者廣或不獨出於厲
鄉耳夫有之爲有物知其有無之爲無人識
其無老氏之署有題無無出斯域是吾三宗
鄙論所謂取捨驅馳未有能越其度者也佛

教所以義奪情靈言詭聲律蓋謂卽色非有
故擅絕於羣家耳此塗未明在老何續但紛
紛橫沸皆由著有之家因俗茲焉是患旣患
由有滯而有性未明矯有之家因崇無術有
性不明雖則巨蔽然違誰尚靜涉累實微是
道家之所以有埤弘教前白所謂黃老實雄
者也正何舊說皆云老不及聖若如斯論不
得影響於釋宗矣吾之位老不至乃然大夫
士應世其體無方或爲儒林之宗或爲國師

道士斯經教之成說也乃至宰官長者咸託
身相何爲老生獨非一跡但未知涉觀淺深
品位高下耳此皆大明未啟權接一方日月
出矣爝火宜廢無餘旣說衆權自寢足下猶
欲抗遺燎於日月之下明此火與日月通源
旣情崇於日月又無侮於火本末知此火本
者將爲名乎將或實哉名而已邪道本安在
若言欲實之日月爲實矣斯則事盡於一佛
不知其道也通源之旨源與誰通

通源曰當其神地悠悠精和坐廢登其此池
吾不見釋家之與老氏陟其此意吾孰釋老
氏之與釋家又曰今旣靜而兩神神靜而道
二吾未之前聞也又曰伯陽專氣致柔停虛
任魄魄緒停虛故融然自道也又曰心塵自
拂一舉形上周之問曰足下法性雖以卽色
圖空虛無誠乃有外張義竊謂老釋重出對
分區野其所境域無過斯言然則老氏之神
地悠悠自悠悠於有外釋家之精和坐廢每

坐廢於色空登老氏之地則老異於釋涉釋氏之意則釋氏殊於老神旣靜而不兩靜旣兩而道二足下未之前聞吾則前聞之矣苟然則魄緒停虛是自虛其所謂虛融然自道亦非吾所聞道若夫心塵自拂一舉形上皆或未涉於大方不敢以通源相和也

通源曰足下欲使伯陽不靜甯可而得乎使靜而不怕道亦于何而不得周之間曰甚如來言吾亦慮其未極也此所謂得在於神靜

失在於物虛若謂靜於其靜非曰窮靜魄於其魄不云盡魄吾所許也無所間然

通源曰若卿謂老氏不盡乎無則非想期於得意若卿謂盡無而不盡有得意復爽吾所期周之間曰盡有盡無非極莫備知無知有吾許其道家唯非有非無之一地道言不及耳非有非無三宗所蘊倘瞻餘慮惟足下其眇之念不使得意之相爽移失於有歸耳通源曰非鳧則乙蹟固然矣蹟固其然吾不

復答又曰吾與老釋相識正如此正復是目
擊道斯存又曰得意有本何至取教又曰誠
哉有是言吾所以見道來一於佛周之間曰
足下之所目擊道存得意有本想法性之真
義是其此地乎佛教有之足下所取非所以
何至取教也目擊之本卽在教跡謂之鳧亡
則其鴻安漸哉諸法真性老無其旨目擊高
情無存老蹟旨蹟兩亡索宗無所論所謂無
侮於道本當無侮於何地哉若謂探道家之

跡見其來一於佛者則是真諦實義泐文可見矣將泐於道章而得之乎爲泐於德篇而遇之也若兩無所泐而立德於方寸者此自足下懷抱與老釋而爲三耳或可獨樹一家非老情之所敢逮也

通源曰虞芮二國之鬪田非文王所知也斯自鹿巾之空負頭上環杖之自誣掌中吾安能了之哉周之問曰足下謂苦下之且藏卽色則虛空有闕矣足下謂法性以卽色圖空

則法性爲備矣今有人於此操環杖而言法性鹿巾之士執虛無而來誚曰爾不同我吾與爾闕足下從容倚棘聽斷於其間曰皆不可也謂其鹿巾空負於頭上環杖自誣於掌中以足下之精明特達而判訟若斯良虞芮之所以於邑也

通源曰吾不翔翮於四果卿尚無疑其集佛吾融不翔於五通而於集道復何晦周之問曰足下不翔翮於四果猶勤集於佛教翮不

翔於五通何獨棄於道跡乎理例不通方爲
彼訴

通源曰當欲列儒圍道故先屬垣隙周之問
曰足下通源唯道源不及儒吾因疑其闕是
以相訪但未知融然自道唯道能融將道之
融然修儒可會邪雖非義本縱言宜及想釋

本多暇幸惠餘音

弘明集

釋僧祐云余尋

兩家立意理在初番故
畧其後文旨存義本

與周顒論釋法寵書

法寵姓馮南陽冠軍
人寓海鹽納妻牛年

捨家住興皇寺從道猛曇濟
學成實論融與顯書稱之

古人遺族故留兒女法寵法師絕塵如棄唾若
斯之志大矣遠矣

論

門論

吾門世供佛舅氏奉道道也與佛逗極無二寂
然不動致本則同感而遂通達迹成異其猶樂
之不沿不隔五帝之秘禮之不襲三皇之聖豈
三與此皆殊時故不同其風異世故不一其義
安可輒駕庸愚誣調神極吾見道士與道人戰
儒墨道人與道士獄是非昔有鴻飛天道積遠
難亮越人以爲鳬楚人以爲乙人自楚越耳鴻

常一鴻乎。夫澄本雖一。吾自俱宗其本。鴻迹旣分。吾已翔其所集。汝可專遵於佛迹。而無侮於道本。書於二何兩孔。周剡山茨。

少子致書諸遊生者曰。張融白。鳥哀鳴於將死。人善言於就暮。頃旣病盛。生衰。此亦魂留幾氣。況驚舟失。拖於空壑。山足無絆於澤中。故視陰之間。雖寸每遽。不縫不徙也。欲使魄後餘意。繩墨弟姪。故爲門律數感。其一章通源二道。今奏諸賢以爲何若。

周顒難張長史門論書

并問顒於鍾山立山茨精舍

與張融遇輒以玄言相滯彌日不解

周剡山茨歸書少子曰周顒頓首懋製來班承復峻其門則參子無踞誠不待獎敬尋同本有測高心雖神道所歸吾知其主然自釋之外儒綱爲弘過此而能與仲尼相若者黃老實雄也其教流漸非無邪弊素樸之本義有可崇吾取捨舊懷粗有涇渭與奪之際不至朱紫但蓄積懷抱未及厝言耳途軌乖順

不可謬同異之聞文宜有歸辨來旨謂致本則同似非吾所謂同時殊風異又非吾所謂異也久欲此中微舉條裁幸因雅趣試其極言且略如左遲聞深沉

通源曰道也與佛逗極無二寂然不動致本則同感而遂通達迹誠異周之問曰論云致本則同請問何義是其所謂本乎言道家者豈不以二篇爲主言佛教者亦應以般若爲宗二篇所貴義極虛無般若所觀照窮法性

虛無法性其寂雖同住寂之方其旨則別論
所謂逗極無二者爲逗極極於虛無當無二
於法性邪將二塗之外更有異本儻虛無法
性其趣不殊乎若有異本思告異本之情如
其不殊願聞不殊之說

通源曰殊時故不同其風異世故不一其義
吾見道士與道人戰儒墨道人與道士獄是
非昔有鴻飛天道積遠難亮越人以爲鳬楚
人以爲乙人自楚越耳鴻常一鴻乎夫澄本

雖一吾自俱宗其本鴻跡旣分吾已翔其所
集周之問曰論云時殊故不同其風是佛教
之異於道也世異故不一其義是道言之乖
於佛也道佛兩殊非梟則乙唯足下所宗之
本一物爲鴻耳驅馳佛道無免二乖未知高
鑒緣何識本輕而宗之其有旨乎若猶取二
教以位其本恐戰獄方興未能聽訟也若雖
因二教同測教源者則此教之源每汨教而
見矣自應鹿巾環杖悠然目擊儒墨閭閻從

來何諍苟合源其是分跡雙非則二跡之用
宜均去取奚爲翔集所向勤務唯佛專氣抱
一無謹於道乎言精旨遠企聞後要

通源曰汝可專遵於佛跡而無侮於道本周
之問曰足下專遵佛跡無侮道本吾則心持
釋訓業愛儒言未知足下雅意佛儒安在爲
當本一末殊爲本末俱異邪旣欲精探彼我
方相究涉理類所關不得無請

序

問律自序

吾文章之體。多爲世人所驚。汝可師耳。以心。不
可使耳爲心師也。夫文。豈有常體。但以有體爲
常。政當使常有其體。丈夫當刪詩書。制禮樂。何
至因循。寄人籬下。且中代之文。道體闕變。尺寸
相資。彌縫舊物。吾之文章。體亦何異。何嘗顛溫
涼而錯寒暑。綜哀樂而橫歌哭哉。政以屬辭多
出。比事不羈。不阡不陌。非途非路耳。然其傳音

振逸。鳴節。竦韻。或當未極。亦已極。其所矣。汝若
復別得體者。吾不拘也。吾義亦如文造次。乘我
顛沛。非物。吾無師。無友。不文。不句。頗有孤神。獨
逸耳。義之爲用。將使性入清波。塵洗猶沫。無得
釣聲。同利舉。價如高俾。是道場險。成軍路。吾昔
嗜僧言。多肆法辯。此盡遊乎言笑。而汝等無幸
又云。人生之口。正可論道說義。惟飲與食。此外
如樹網焉。吾每以不爾爲恨。爾曹當振網也。

誠

臨卒誠子

手澤存焉。父書不讀。況文音情。婉在其韻。吾意
不然。別遺爾音。吾文體英絕。變而屢奇。旣不能
遠至漢魏。故無取。嗟。晉宋豈吾天挺。蓋不墮家
聲。汝若不看父祖之意。欲汝見也。可號哭而看
之。

陽明先生集卷之二

陽明先生集卷之二

陽明先生集卷之二

陽明先生集卷之二

陽明先生集卷之二

陽明先生集卷之二

陽明先生集卷之二

陽明先生集卷之二

詩

白日歌

序曰懸象著明莫大于日月而彼日月不能
不謝固知無準衰爲盛之終盛爲衰之始故
爲白日歌

白日白日舒天昭暉數窮則盡盛滿則衰

蕭史曲

引響猶天外吟聲似地中戴勝噪落景龍歎清
霄風

憂且吟

鳴琴當春夜、春夜當鳴琴、羈人不及樂、何似千里心。

別詩

白雲山上盡。清風松下歇。欲識離人悲。孤臺見明月。

本傳

張融字思光，弱冠有名。道士同郡陸修靜以白鷺羽摩尾扇遺之，曰：「此旣異物，以奉異人。」解褐爲宋新安王子鸞行參軍。王母殷淑儀薨，後四月八日建齋，并灌佛，僚佐餽者多至一萬，少不減五千。融獨注餽百錢，帝不悅，曰：「融殊貧，當序以佳祿。」出爲封溪令。從叔永出後渚，送之，曰：「似聞朝旨，汝尋當還。」融曰：「不患不還。政恐還而復去。」及行，路經嶂險，獠賊執融，將殺食之。融神色

不動方作洛生詠。賊異之而不害也。浮海至交
州。於海中遇風。終無懼色。方詠曰。乾魚自可還
其本鄉。肉鋪復何爲者哉。又作海賦。文辭詭激
獨與衆異。後以示鎮軍將軍顧覬之。覬之曰。卿
此賦實超玄虛。但恨不道鹽耳。融卽求筆注曰。
漉沙構白。熬波出素。積雪中春。飛霜暑路。此四
句。後所足也。覬與融兄有恩好。覬卒。融身負墳
土。在南與交趾太守卞展善。展於嶺南爲人所
殺。融挺身奔赴。舉秀才。對策中第。爲尚書殿中

郎不就改爲儀曹郎尋請假奔叔父喪道中罰
幹錢敬道鞭杖五十寄繫延陵獄大明五年制
二品清官行僮幹杖不得出十爲左丞孫綽所
奏免官復位攝祠部倉部二曹時領軍劉劭戰
死融以祠部議上應哭劭見從又俗人忌以正
月開太倉融議不宜拘束小忌尋兼掌正厨見
宰殺回車徑去自表解職再遷南陽王友融父
暢爲丞相長史義宣事難暢將爲王立謨所殺
時立謨子瞻爲南陽王長史融啓求去官不許

融家貧欲祿，乃與從叔征北將軍永書，又與吏部尚書王僧虔書，時議以融非御人才，竟不果。辟齊太傅掾，稍遷中書郎，非其所好，乞爲中散大夫，不許。張氏自敷以來，竝以理音辭修儀範爲事。至融風止詭越，坐常危膝，行則曳步，翹身仰首，意制甚多，見者驚異，聚觀成市，而融了無慙色，隨例同行，常稽遲不進。高帝素愛融，爲太尉時，與融款接，見融常笑曰：「此人不可無一，不可有二。」卽位後，手詔賜融衣曰：「見卿衣服麤故，」

誠乃素懷有本。交爾藍縷，亦虧朝望。今送一通故衣。意謂雖故乃勝新也。是吾所著。已令裁減。稱卿之體。并履一量。高帝出太極殿西室，融入問訊。彌時方登階。及就席，上曰：何乃遲爲？對曰：自地升天，理不得速。時魏主至，淮而退。帝問：何意忽來忽去，未有荅者？融時不坐，抗聲曰：以無道而來，見有道而去。公卿咸以爲捷。融善草書，常自美其能。帝曰：卿書殊有骨力，但恨無二王法。答曰：非恨臣無二王法，亦恨二王無臣法。融

假還鄉。詣王儉別。儉立此地。舉袂不前。融亦舉
手呼儉曰。歎曰。王前。儉不得已趨就之。融曰。使
融不爲慕勢。而令君爲趨士。豈不善乎。常歎云。
不恨我不見古人。所恨古人又不見我。融與吏
部尚書何職善。往詣職。誤通尚書劉澄。下車入
門。乃曰。非是。至戶望澄。又曰。非是。旣造席。視澄
曰。都自非是。乃去。其爲異如此。又爲長沙王鎮
軍竟陵王征北諮議。竝領記室司徒從事中郎。
永明二年。總明觀講。敕朝臣集聽。融扶入就榻。

私索酒飲之。事畢，乃長歎曰：「嗚呼！仲尼獨何人哉！爲御史中丞，到撫所奏免官，尋復職，融形貌短醜，精神清徹，王敬則見融，革帶寬，殆將至髀，謂曰：『革帶太急。』」融曰：「旣非步吏，急帶何爲？」融假東出，武帝問融住在何處，荅曰：「臣陸處，無屋舟居，無水。」後上問其從兄緒，緒曰：「融近東出，未有居止。」權牽小船於岍上住，上大笑，後使融接對北使李道固，就席，道固顧而言曰：「張融是宋彭城長史，張暢子不，融嘖蹙久之曰：『先君不幸，名。」

達六夷。豫章王大會賓僚，融食炙，始行畢，行炙人便去，融欲求鹽蒜，口終不言，方搖食指，半日乃息，出入朝廷，皆拭目驚觀之。八年，朝臣賀衆瑞公事，融扶入拜起，復爲有司所奏，見原，遷司徒兼右長史，竟陵張欣時爲諸暨令，坐罪當死，欣時父興世討宋南譙王義宣，官軍欲殺融父，暢興世以袍覆暢而坐之，以此得免。興世卒，融著高履爲負土成墳，至是融啓竟陵王子良乞代欣時死，子良荅曰：「此乃是長史美事，恐朝有。」

常典不得如長史所懷。遷黃門郎。太子中庶子。司徒左長史。融有孝義。忌月三旬不聽樂。事嫂甚謹。父暢臨終謂諸子曰。昔丞相事難。吾以不同將見殺。緣司馬竺超人得活。爾等必報其子。後超人孫微。冬月遭母喪。居貧。融弔之。悉脫衣。以爲賻。披牛被而反。常以兄事微。豫章王嶷。竟陵王子良薨。自以身經佐吏。哭輒盡慟。建武四年病卒。遺令建白旛無旛。不設祭。令人捉麈尾登屋復魂曰。吾生平所善。自當凌雲一笑。三千

買棺。無製新衾。左手執孝經老子。右手執小品法華經。妾二人事哀畢。各遣還家。曰。吾生平之風。調何至使婦人行哭失聲。不須暫停閨閣。融立義無師法。而神解過人。高談鮮能抗拒。永明中遇疾。爲問律自序融文集數十卷。行於世。自名其集爲玉海。司徒褚彥回問其故。融云。蓋玉以比德。海崇上善耳。張氏前有敷演鏡暢。後有充融卷稷。第六弟寶積。建武中出爲廬陵太守。時名流謝朓。何點。陸惠曉。孔珪。集融弟鐵之舍。

黠造坐便曰今日可謂盛集。二五我兄弟之流
阿六張氏保家之子。顧見王思遠曰卿詐作善
非實得也。二五謂孔珪及融竝第五寶積。

南齊張長史集終

長史集

卷八

傳

長史集

卷八

三

正德集
卷之三
通司

孔
詹
事
集

孔詹事集題詞

孔靈產立館禹井山事道精篤而齊
高輔政竟以術數登榮位來羽扇素
几之贈子珪宅營山水草萊不翦而
彈文表奏盛行朝廷父子出處間何
相似也汝南周顒結舍鍾嶺後出爲

山陰令秩滿入京復經此山珪代山
移文絕之昭明取入選中比攷孔周
二傳俱不載此事豈調笑之言無關
紀錄如嵇康於山濤徒有其書交未
嘗絕也末世網密刑罰無章再三申
論求定一律魏虜連侵國疲征討表

請通和孔公之言無非近仁者大致
捄民息物而已周妻何肉精進未逮
豈僅譏草堂之衣裳傲僕射之鼓吹
自命清疎哉張融令終凌雲一笑孔
珪臥疾不免舉牀瞑含之際遇或嗛
嗛其爲無累則同也

婁東張溥題

南齊孔詹事集目錄

表

上新定法律表

陳通和之策表

讓詹事表

爲王敬則讓司空表

薦杜京產表

奏

奏王奐罪

奏王融罪

啓

謝賜生荔枝啓

書

答蕭司徒書

又

又

碑

立館碑

褚先生伯玉碑

移文

北山移文

祭文

祭外兄張長史文

詩

白馬篇二首

旦發青林

遊太平山

附錄

孔詹事集

目錄

本傳

南齊孔詹事集目錄終

南齊孔詹事集卷全

齊 孔稚珪德璋 著

明 張 溥西銘 閱

表

上新定法律表

臣聞匠萬物者以繩墨爲正，馭大國者以法理爲本。是以古之聖王，臨朝思理，遠防邪萌，深杜姦漸，莫不資法理以成化，明刑賞以樹功者也。伏惟陛下躡歷登皇，乘圖踐帝，天地更築，日月

再張五禮裂而復縫六樂殯而爰緝乃發德音
下明詔降恤刑之文申愼罰之典敕臣與公卿
八座共刪注律謹奉聖旨諮審司徒臣子良稟
受成規創立條緒使兼監臣宋躬兼平臣王植
等鈔撰同異定其去取詳議八座裁正大司馬
臣嶷其中洪疑大議衆論相背者聖照立覽斷
自天筆始就成立律文二十卷錄叙一卷凡二
十一卷以今奏聞請付外施用宣下四海臣又
聞老子仲尼曰古之聽獄者求所以生之今之

聽獄者求所以殺之與其殺不辜甯失有罪是則斷獄之識自古所難矣。今律文雖定必須用之用。失其平。不異無律。律書精細。文約例廣。疑似相傾。故誤相亂。一乖其綱。枉濫橫起。法吏無解。既多謬僻。監司不習。無以相斷。則法書徒明於帙裏。冤魂猶結於獄中。今府州郡縣千有餘獄。如令一獄歲枉一人。則一年之中枉死千餘人。冤毒之死。上干和氣。聖明所急。不可不防。致此之繇。又非但律吏之咎。列邑之宰亦亂其經。

或以軍勲餘力。或以勞吏暮齒。獷情濁氣。忍并生靈。昏心狠態。吞剝氓物。虐理殘其命。曲文被其罪。寃積之興。復緣斯發。獄吏雖良。不能爲用。使于公哭於邊城。孝婦寃於遐外。陛下雖欲宥之。其已血濺九泉矣。尋古之名流。多有法學。故釋之定國。聲光漢臺。元常文惠。績映魏閣。今之士子。莫肯爲業。縱有習者。世議所輕。良繇空勤。永歲不逢一朝之賞。積學當年終爲閒伍。所出將恐此書永墜下走之手矣。今若弘其爵賞。開

其勸慕課業宦流。班習胄子。拔其精寃。使處內局。簡其才良。以居外仕。方岳咸選其能。邑長竝擢其術。則臯繇之謀。指掌可致。杜鄭之業。鬱焉何遠。然後姦邪無所逃其刑。惡吏不能藏其詐。如身手之相驅。若絃栝之相接矣。臣以疎短。謬司大理。陛下發自聖衷。憂矜刑網。御延奉訓。遠照民瘼。臣謹仰述天官。伏奏雲陛。所奏繆允者。宜寫律上國學。置律助教。依五經例。國子生有欲讀者。策試上過高第。卽便擢用。使處法職。以

勸士流。

陳通和之策表

匈奴爲患自古而然。雖三代智勇。兩漢權奇。筭略之要。二塗而已。一則鐵馬風馳。奮威沙漠。一則輕車出使。通驛虜庭。擢而言之。優劣可觀。今之議者。咸以丈夫之氣。耻居物下。况我天威。甯可先屈。吳楚勁猛。帶甲百萬。截彼鯨鯢。何往不碎。請和示弱。非國計也。臣以爲戎狄獸性。本非人倫。鳴鳴狼踞。不足喜怒。蜂目蠆尾。何關美惡。

唯宜勝之以深權。制之以遠策。弘之以大度。處之以蝨賊。豈足肆天下之忿。損蒼生之命。發雷電之怒。爭蟲鳥之氣。百戰百勝。不足稱雄。橫尸千里。無益上國。而蟻聚螽攢。窮誅不盡。馬足毛羣。難與競逐。漢高橫威海表。窘迫長圍。孝文國富刑清。事屈陵辱。宣帝撫納安靜。朔馬不驚。光武卑辭厚禮。寒山無靄。兩京四主。英濟中區。輸寶貨以結和。遣宗女以通好。長轡遠馭。子孫是賴。豈不欲戰。惜民命也。唯漢武藉五世之資。承

六合之富。驕心奢志。大事匈奴。遂連兵積歲。轉戰千里。長驅瀚海。飲馬龍城。雖斬獲名王。屠走凶羯。而漢之棄甲。十亡其九。故衛霍出關。千隊不反。貳師入漢。百旅頓降。李廣敗於前鋒。李陵沒於後陣。其餘奔北。不可勝數。遂使國儲空懸。戶口減半。好戰之功。其利安在。戰不及和。相去何若。自西朝不綱。東晉遷鼎。羣胡沸亂。羌狄交橫。荆棘攢於陵廟。豺虎咆於宮闈。山淵反覆。黔首塗地。逼迫崩騰。開闢未有。是時得失。略不稍

陳近至元嘉多年無事末路不量復挑疆敵遂
廼連城覆徙虜馬飲江青徐州之際草木爲人
耳建元之初胡塵犯塞永明之始復結通好十
餘年間邊候且息陛下張天造厯駕日登皇聲
雷寓宙勢壓河岳而封豕殘魂未屠劍首長蛇
餘喘偷窺外甸烽亭不靜五載於斯昔歲蟻壤
瘦食樊漢今茲蟲毒侵淫未已興師十萬日費
千金五歲之費甯可貲計陛下何惜匹馬之驛
百金之賂數行之詔誘此凶頑使河塞息肩關

境全命。蓄甲養民。以觀彼弊。我策若行。則爲不
世之福。若不從命。不過如戰失一隊耳。或云遣
使不受。則爲辱命。夫以天下爲量者。不計細耻。
以四海爲任者。甯顧小節。一城之沒。尚不足惜。
一使不反。曾何取慙。且我以權取。貴得我略。行
何嫌其耻。所謂尺蠖之屈。以求伸也。臣不言遣
使。必得和。自有可和之理。猶如欲戰。不必勝。而
有可勝之機耳。今宜早發大軍。廣張兵勢。徵犀
甲於岷峨。命樓船於浦海。使自青徂豫。候騎星

羅沿江入漢。雲陣萬里。據險要以奪其魂。斷糧道以折其膽。多設疑兵。使精銷而計亂。固列金湯。使神茹而慮屈。然後發衷詔。馳輕驛。辯辭重幣。陳列吉凶。虜頑而愛奇。貪而好古。畏我之威。喜我之賂。畏威喜賂。願和必矣。陛下用臣之啟。行臣之計。何憂玉門之下。而無款塞之和哉。彼之言。戰旣殷勤。臣之言。和亦慷慨。伏願察兩塗之利害。檢二事之多少。聖照立省。灼然可斷。所表謬奏。希下之朝省。使同博議。臣謬荷殊恩。奉

孫詹事集
卷八
佐侯岳、敢肆瞽直、伏奏千里、

讓詹事表

太子霞騫青殿、日光春宮、駕紫谷之英、振洛笙
之響、自非器上白雲、韻同明月、何以延芳芝苑、
插羽瓊條、竇嬰戚貴於西京、陸曄風素於東國、
伊人之美、方曰可舉、臣亦何斯、而敢參冒也。

爲王敬則讓司空表

故李通豪膽、以親寵登司、王基才勇、與聲華入
選、先帝擢臣以榮華、陛下伸臣以富貴、遂行北

帶五州。東跨六郡。內亞三鼎。外齊四嶽。蟬佩之
暎。則左右交暉。龜組之華。則縱橫吐耀。輕輪徐
動。則劒戟如雲。飛蓋暫停。則歌鐘成列。擬金龍
吹。鬱其前。鳴笳。鳳管。疊其後。鄧禹若不遭漢光
則南陽之掾吏。微臣若不逢明聖。則孤城之戍
客。豈可加以正台之席。登以論道之寄。啟黃扉
而燮五緯。躡青帷而調四序。

薦杜京產表

永明十年稚珪及光祿大夫陸澄祠部
尚書虞悰太子右率沈約司徒右長史

表

張融表薦
京產不報

竊見吳郡杜京產潔靜爲心，謙虛成性，通和發
于天挺，敏達表於自然，學遍立儒，博通史子，流
連文藝，沈吟道奧，泰始之朝，掛冠辭世，遁舍家
業，隱於太平，葺宇窮巖，採芝幽澗，耦耕自得，薪
歌有餘，確爾不群，淡然寡慾，麻衣藿食，二十餘
載，雖古之志士，何以加之，謂宜釋巾幽谷，結組
登朝，則岳谷含懽，薜蘿起忭矣。

奏

奏王奐罪

奐輒殺甯蠻長史劉興祖，世祖大怒，使御史中丞孔稚珪奏其事，遂殺之。

雍州刺史王奐啓錄小府長史劉興祖，虛稱興祖扇動山蠻，規生逆謀，誑言誹謗，言辭不遜，敕使送興祖下都，奐慮所啓欺妄，於獄打殺興祖，詐啓稱自經死，止今體傷槌蒼黥，事暴聞聽，攝興祖門生劉倪到臺辨問，列興祖與奐共事，不能相和，自去年朱公恩領軍征蠻失利，興祖啓

聞以啓呈魚，魚因此便相嫌恨。若云興祖有罪，便應事在民間，民間恬然都無事迹。至十年九月十八日，魚使伏身三十人來稱救，錄興祖付獄。安定郡蠻先在郡，賊私與祖既知其取與，卽牒啓魚，不問興祖，後執錄魚，仍令蠻領仗身於獄守視，興祖未死之前，於獄以物畫漆柈子中，出密報家，道無罪。今啓乞出都一辨，萬死無恨。又云魚駐興祖嚴禁信，使欲作方便，殺以除口舌。又云魚意乃可，魚第三息彪隨魚在州，凡事

是非皆干豫，扇構密除興祖。又云：興祖家餉糜中下藥，食兩口，便覺回乞獄子，食者皆大利。興祖大叫道：糜中有藥，近獄之家，無人不聞。又云：奐治著興祖曰：急判無濟理。十一月二十一日，奐使獄吏來報興祖家道，興祖於獄自經死，尸出，家人共洗浴之，見興祖頸下有傷，肩胛烏黢，陰下破碎，實非興祖自經死。家人及門義共見，非是一人。重攝檢雍州都留田文喜，列與倪符同狀。興祖在獄，嗟苦，望下旣蒙降旨，欣願始遂。

豈容於此方復自經救以十九日至二十一日
死推理檢迹灼然矯假尋勅使送下負輒拒詔
所謗諸條悉出負意毀故丞相若陳顯達誹訕
朝事莫此之深彪私隨父之鎮敢亂王法罪並
合窮戮

奏王融罪

鬱林深忿疾融卽位十餘日收下廷尉獄然後使中丞孔稚珪倚爲奏

融姿性剛險立身浮競動迹驚羣抗言異類近
塞外微塵苦求將領遂招納不逞扇誘荒儉狡

弄聲勢。專行權利。反覆唇齒之間。傾動頰舌之內。威福自己。無所忌憚。誹謗朝政。歷毀王公。謂已才流。無所推下。事曝遠近。使融依源據答。

Table with multiple columns and rows of text, mostly illegible due to fading.

啓

謝賜生荔枝啓

綠葉雲舒、朱實星映、離離昔聞、曄曄今觀、信西

岷之佳珍、諒東鄙之未識、藝文類聚下云角昂興而靈華

敷、夫火中而朱實繁、灼灼丹華、吐日、離離繁星、按王逸荔枝賦曰

著天、七命析龍眼之房也、乃觀荔枝之樹、其形色煖若朝雲之興、森如橫

天之簪、角亢興而靈華敷、大火中而朱實繁、灼灼若朝霞之吐日、離離如繁星之着天、張孟陽

七命析龍眼之房、部椰子之殼、稚珪啟正用逸、賦中語、七命則孟陽七命也、藝文於其上、既脫

寫王逸賦、又以七命誤連爲一耳、尺牘用逸、賦四語爲稚珪啓、而前啓乃反不

載、蓋繇襲藝文之誤、遂不加考、

孔詹事集

先生

11

書

答蕭司徒書

稚珪啓、民蚤奉明公提拂之仁、深蒙大慈弘引
之訓、恩獎所驅、性命必盡、敢瀝肝髓、乞照神襟、
民積世門業、依奉李老、以冲盡爲心、以素退成
行、迹蹈善萬之淵、神期至順之宅、民仰攀先軌、
自絕秋塵、而宗心所向、猶未敢墜、至於大覺明
教、般若正源、民生平所崇、初不違背、常推之於
至理、理至則歸一、置之於極宗、宗極不容二、自

仰稟明公之訓、憑接明公之風、導之以正乘、引之以通戒、使民六滯頓祛、五情方旭、迴心頂禮、合掌願持、民齊敬歸、依蚤自淨信、重律輕條、素已半合、所以未變衣鉢。眷黃老者、實以門業有本。不忍一日頓棄。心世有源。不欲終朝悔遁。旣以二道大同。本不敢惜心迴向。實顧言稱先業。直不忍棄門志耳。豈不思樂方廣。勤志一乘。况仰資明公。齊禮道德。加須奉誦。明公清信。至制淨住子序。萬門朗奧。億品宣玄。言雖願違。心不

覺醉更未測明公善誘之妙。一至如此博約紛
綸。精暉照出。欲罷尚其不能。欲背何以免向。而
昔而前。民固不斂。而今而後。斯語請事。民之愚
心。正執門範。情於釋老。非敢異同。始私追尋民
門。昔嘗明一同之義經。以此訓張融。融乃著通
源之論。其名少子。少子所明。會同道佛。融之此
悟。出於民家。民家旣爾。民復何礙。始乃遲遲執
迹。今輒兼敬以心。一不空棄黃老。一則歸依正
覺。不期一朝。霍然大悟。悟之所導。舉自明公。不

勝踴躍之至謹啟

又

事以聞復竊研道之異佛止在論極極未盡耳
道以論極極在諸天佛乃鄙此不出三界斯則
精靡遠近實有慙於大方矣然尋道家此教指
設機權其猶仲尼外典極惟天地蓋起百姓所
見二儀而已教本因心取會萬物用其所見順
而尊之當其尊地俱窮妙物故老子之橐籥維
摩之無我合德天地易家有太極所以因物之

崇天仍崇之以極。妙而至極。終有地固淵于於
天表。老子亦云。有物混成。先天地生。已是道在
天外。稍不以天爲道也。何異佛家羅漢亦指極
四果。方至勝鬘。目知有餘地。道之崇天極。猶佛
有羅漢果。佛竟不止於羅漢。道亦於天不息。甫
信道之所。道定與佛道通源矣。民今心之所歸。
輒歸明公所一向。道家戒善。故與佛家同耳。兩
同之處。民不苟捨道法。道之所異。輒婉輒入。公
大乘。請於今日不敢復位異同矣。服膺之至謹。

啟下誠伏願採其未悔亮其始位退自悔始自
恭自懼謹啟

又

十一月二十九日州民御史中丞孔稚珪啟得
示具懷甚有欣然理本無二取捨多途諍論云
云常所慨也但在始通道則宜然數而學者則
未可君但廣尋諸經不患淪滯其迹也比面別

一二

碑

玄館碑

夫朋白兔而侶青鳥。啟銀函而講金字者。有道
存焉。故能大叩玄宗。鬱爲物範。則天地正六合。
照日月。而導蒼生。神道無門。陰陽不測。是故赤
松家石室之下。神農行弟子之敬。廣成在崆峒
之上。軒轅稟順風之禮。洛浦笙飛之秀。關山駕
鳳之英。凡此之儔。希世間出。皆雍容以沐咸池。
或蕭灑而開閭闔。

啟下誠伏願採其末悔亮其始位退自悔始自
恭自懼謹啟

又

十一月二十九日州民御史中丞孔稚珪啟得
示具懷甚有欣然理本無二取捨多途諍論云
云常所慨也但在始通道則宜然數而學者則
未可君但廣尋諸經不患淪滯其迹也比面別

一二

碑

玄館碑

夫朋白兔而侶青鳥。啟銀函而講金字者。有道
存焉。故能大叩立宗。鬱爲物範。則天地正六合。
照日月。而導蒼生。神道無門。陰陽不測。是故赤
松家石室之下。神農行弟子之敬。廣成在崆峒
之上。軒轅稟順風之禮。洛浦笙飛之秀。關山駕
鳳之英。凡此之儔。希世間出。皆雍容以沐咸池。
或蕭灑而開閭闔。

褚先生伯玉碑

夫河洛摛寶、神道之功旣傳、岱華吐秘、仙靈之迹可覩、蓋事詳於玉牒、理煥於金符、雖冥默殊源、顯晦異軌、測心觀古、可得而言焉、是以子晉笙歌、馭鳳於天海、王喬雲舉、控鶴於玄都、有羽化蟬蛻、觸影遯形、神翥帝宮、迹留劍杖、遊瑤池而不返、宴玄圃以忘歸、永嘉惡道者、窮地之險也、欹竇遏日、折石橫波、飛浪突雲、奔湍急箭、先生攀途躋阻、宿泄涉折、而衡飈夜鼓、山洪暴激、

忽乃崩舟墜壑，一倒千仞。飄地淪高，翻透無底。
徒侶判其冰碎，舟子悲其電散。危魂中夜赴阻，
相尋方見。先生恬然安席，銘曰：關西升妙洛右，
飛英鳳吹金闕，簫鼓玉京，絕封萬古。乃旣先生，
先生浩浩，唯神其道。泉石依情，烟霞入抱。秘影
窮岫，孤栖幽草。心圖上立，志通大造。

存心無所偏倚心即生道心也

王陽明語也此語最切至矣

此語最切至矣

此語最切至矣

此語最切至矣

移文

北山移文

鍾山之英、草堂之靈、馳煙驛路、勒移山庭。夫以耿介拔谷之標、蕭灑出塵之想、度白雪以方絜、于青雲而直上、吾方知之矣。若其亭亭物表、皎皎霞外、芥千金而不盼、屣萬乘其如脫、聞鳳吹於洛浦、值新歌於延瀨、固亦有焉。豈其終始參差、蒼黃翻覆、淚翟子之悲、慟朱公之哭、乍迴跡以心染、或先貞而後黷、何其謬哉。嗚呼、尚生不

存仲氏。既往山阿。寂寥千載。誰賞世有周子。儻俗之士。旣文旣博。亦立亦史。然而學道東甯。習隱南郭。竊吹草堂。濫巾北岳。誘我松桂。欺我雲壑。雖假容於江臯。乃櫻情於好爵。其始至也。將欲排巢父。拉許繇。傲百氏。蔑王侯。風情張日。霜氣橫秋。或歎幽人長往。或怨王孫不游。談空空於釋部。覈立立於道流。務光何足比。涓子不能儔。及其鳴騶入谷。鶴書赴隴。形馳魄散。志變神動。爾乃眉軒席次。袂聳筵上。焚芟製而裂荷衣。

抗塵容而走俗狀。風雲懷其帶。憤石泉咽而下。
愴望林巒而有失。顧草木而如喪。至其組金章。
綰墨綬。跨屬城之雄。冠百里之首。張英風於海
甸。馳妙譽於浙右。道帙長摯。法筵久埋。敲扑諠
囂。犯其慮。牒訴倥偬。裝其懷。琴歌旣斷。酒賦無
續。常綢繆於結課。每紛綸於折獄。籠張趙於往
圖。架卓魯於前錄。希蹤三輔豪。馳聲九州牧。使
我高霞孤映。明月獨舉。青松落蔭。白雲誰侶。澗
戶摧絕。無與歸。石逕荒涼。徒延伫。至於還鷺。入

幕寫霧出楹。蕙帳空兮夜鶴怨。山人去兮曉猿驚。昔聞投簪逸海岸。今見解蘭縛塵纓。於是南岳獻嘲。北隴騰笑。列壑爭譏。攢峰竦誚。慨游子之我欺。悲無人以赴弔。故其林慙無盡澗。愧不欺。秋桂遣風。春蘿罷月。騁西山之逸議。馳東臯之素謁。今又捉裝下邑。浪拽上京。雖情投於魏闕。或假步於山扃。豈可使芳杜厚顏。薜荔無耻。碧嶺再辱。丹崖重滓。塵游躅於蕙路。汙淥池以洗耳。宜扃岫幌。掩雲闕。歛輕霧。藏鳴湍。截來轅

於谷口。杜妄轡於郊端。於是叢條瞋膽、疊穎怒魄、或飛柯以折輪、乍低枝而掃跡。請迴俗士、駕爲君謝逋客。

子詹事集

卷全

三

祭文

祭外兄張長史文

惟君之德、高明秀挺、浩汗深度、昂藏風領、學不
師古、因心則睿、筌蹄象繇、糠粃莊惠、吾與夫子
分協芳金、憑風共酒、藉月同吟、

心 慈 悲 金 剛 經 講 義

詩

白馬篇二首

驥子跼且鳴、鐵陣與雲平、漢家嫖姚將、馳突匈奴庭、少年鬪猛氣、怒髮爲君征、雄戟摩白日、長劍斷流星、早出飛狐塞、晚泊樓煩城、虜騎四山合、胡塵千里驚、嘶笳振地響、吹角沸天聲、左碎呼韓陣、右破休屠兵、橫行絕漠表、飲馬瀚海清、隴樹枯無色、沙草不嘗青、勒石燕然道、凱歸長安亭、縣官知我健、四海誰不傾、但使強胡滅、何

孫府君集 卷八 三
須甲第成、當今丈夫志、獨爲上古英、

白馬金具裝、橫行遼水傍、問是誰家子、宿衛羽
林郎、文犀六屬鎧、寶劍七星光、山虛弓響徹地、
迥角聲長、宛河推勇氣、隴蜀擅威強、林臺受降
虜、高闕翦名王、射熊入飛觀、按獵下長楊、英名
欺衛霍、智策蔑平良、島夷時失禮、卉服犯邊疆、
徵兵離薊北、輕騎出漁陽、集軍隨日暈、挑戰逐
星芒、陣多龍勢動、營開虎翼張、衝冠入死地、攘
臂越金湯、塵飛戰鼓急、風交征旆揚、轉鬪平華

地追奔掃鬼方。本持身許國。况復武功彰。會今
千載後。流譽滿旂常。

旦發青林

孤征越清江。遊子悲路長。二旬倏已滿。三千眇
未央。草雜今古色。巖留冬夏霜。寄懷中山舊。舉
酒莫相忘。

遊太平山

石險天貌分。林交日容缺。陰澗落春榮。寒巖留
夏雪。

孔詹事集

卷全

本傳

孔稚珪字德璋，會稽山陰人也。祖道隆，位侍中。父靈產，泰始中罷晉安太守，有隱遁之懷，於禹井山立館，事道精篤。吉日於靜屋四向朝拜，涕泗滂沲，東出過錢塘北郭，輒於舟中遙拜杜子公墓。自此至都東向坐，不敢背側。元徽中爲中散太中大夫，頗解星文，好術數。太祖輔政，沈攸之起兵，靈產密白太祖曰：「攸之兵衆雖強，以天時冥數而觀，無能爲也。」太祖驗其言，擢遷光祿

大夫以麓盛靈產上靈臺令其占候餉靈產白羽扇素隱几曰君性好古故遺君古物稚珪少學涉有美譽太守王僧虔見而重之引爲主簿州舉秀才解褐宋安成王車騎法曹行叅軍轉尚書殿中郎太祖爲驃騎以稚珪有文翰取爲記室叅軍與江淹對掌辭筆遷正員郎中書郎尚書左丞父憂去官與兄仲智還居父山舍仲智妾李氏驕妬無禮稚珪白太守王敬則殺服闋爲司徒從事中郎州治中別駕從事

郡中正、永明七年，轉驍騎將軍、復領左丞，遷黃門郎、左丞如故，轉太子中庶子、廷尉、江左相承，用晉世張杜律二十卷，世祖留心法令，數訊囚徒，詔獄官詳正舊注，先是七年尚書刪定郎王植撰定律章表奏之，從之，於是公卿八座參議，考正舊注有輕重處，竟陵王子良下意多使從輕，其中朝議不能斷者，制旨平決，至九年稚珪上表，詔報從納，事竟不施行，轉御史中丞，遷驃騎長史、輔國將軍，建武初，遷冠軍將軍、平西長

史南郡太守。稚珪以虜連歲南侵，征役不息，百姓死傷，乃上表，帝不納。徵侍中，不行。留本任。稚珪風韻清疎，好文詠，飲酒七八斗。與外兄張融、情趣相得。又與琅邪王思遠、廬江何點、點弟胤、竝款交。不樂世務。居宅盛營山水，憑几獨酌，傍無雜事。門庭之內，草萊不剪。中有蛙鳴，或問之曰：「欲爲陳蕃乎？」稚珪笑曰：「我以此當兩部鼓吹。」何必期效仲舉？永元元年，爲都官尚書，遷太子詹事，加散騎常侍。三年，稚珪疾，東昏屏除，以牀

舉走因此疾甚遂卒年五十五贈金紫光祿大
夫

南齊孔詹事集終

新修政事集錄

卷八

新修政事集錄

卷八

卷八

卷八

卷八

卷八

卷八



